



ELHUYAR
fundazioa

PRENTSA-DEIALDIA

Elhuyarrek mugikor bidez euskara ikasteko sistema garatu du

Europako Batasuneko Hezkuntza eta Kultura Batzordeak babesturik eta Zipreko Neurozientzia eta Teknologia Institutuak gidaturik, Elhuyar Fundazioa Europa mailako ikerketa-proiektu batean parte hartu du, [Moblang](#) izenekoan. Proiektu horretan ikertutakoaren ondorioz, hizkuntzen ikaskuntzan lagunduko duen mugikorretarako aplikazio bat sortu dute, baliozkoa izango dena besteak beste euskara mugikor bidez modu ludikoan eta erraz ikasteko.

Proiektuaren berri emateko eta tresna bera erakusteko **prentsaurrekoa** egingo da datorren ostiralean, **urriaren 14an, goizeko 11:30etik aurrera Donostiako Koldo Mitxelena Kulturunean**. Honako pertsona hauek hartuko dute parte:

- Itziar Nogeras, Elhuyar Fundazioko zuzendaria
- Yiannis Laouris, Zipreko Neurozientzia eta Teknologia Institutuko zuzendaria
- Danel Solabarrieta, euskararako aplikazioaren garapenaren arduraduna (Elhuyar Fundazioa)

Prentsaurrekoan itzulpen-zerbitzua eskainiko da. Bestalde, nahi duten komunikabideek elkarriketa egin ahal izango diete parte-hartzaileei, eta itzulpen-zerbitzua eskainiko zaie. Horretarako, aurretik jakinarazi beharko da.

Moblang proiektuan honako erakunde hauek dihardute elkarlanean: Zipreko Neurozientzia eta Teknologia Institutua eta Zipreko Unibertsitatea, Britainia Handiko Luzia Research erakundea eta Saint Mary Unibertsitatea, Greziako Dromos eta Antigone erakundeak, eta Elhuyar Fundazioa.

Gaia: Mugikor bidez euskara ikasteko sistemaren aurkezpena

Eguna eta ordua: Urriaren 14a (ostirala), goizeko 11:30ean.

Lekua: Koldo Mitxelena Kulturunea (Urdaneta kalea, 9 – 20006 Donostia)

Parte-hartzaileak: Itziar Nogeras, Elhuyar Fundazioko zuzendaria; Yiannis Laouris, Zipreko Neurozientzia eta Teknologia Institutuko zuzendaria; eta Danel Solabarrieta, euskararako aplikazioaren garapenaren arduraduna (Elhuyar Fundazioa)..

Etortzekoa bazara, aurrez jakinaraztea eskertuko genizueke.



ELHUYAR
fundazioa

PRENTSA-OHARRA

Elhuyar Fundazioak sistema bat garatu du mugikor bidez euskara ikasteko, eta gaur goizean aurkeztu du

Moblang izeneko proiektuaren barruan garatu du aplikazio hori, Europako Batasunak babestuta eta Zipreko Neurozientzia eta Teknologia Institutuak gidatuta

*Gai horren harira, mintegi bat antolatu da astelehenerako:
“Mugikor bidezko ikaskuntza, etorkizuneko hezkuntza”*

Donostian, 2011ko urriaren 14an

Europako Batasuneko Hezkuntza eta Kultura Batzordeak babestuta eta Zipreko Neurozientzia eta Teknologia Institutuak gidatuta, Elhuyar Fundazioak [Moblang](#) europar ikerketa-proiektuan parte hartu du. Proiektu horretan ikertutakoaren ondorioz, hizkuntzak ikasten lagunduko duen mugikorretarako aplikazio bat lortu da, eta Elhuyar Fundazioa euskarazko aplikazioaren garapenaz arduratu da.

Moblang proiektuan bi urtez egin dute lan erakunde hauek: Zipreko Neurozientzia eta Teknologia Institutua eta Zipreko Unibertsitatea, Britainia Handiko Luzia Research erakundea eta Saint Mary Unibertsitatea, Greziako Dromos eta Antigone erakundeak, eta Elhuyar Fundazioa. Eta gaur aurkeztu den aplikazioa da lan horren emaitza. Proiektua Europako hizkuntza gutxituak babesteko sortu da, eta MALL sisteman (Mobile Assisted Language Learning) dago oinarrituta. “Oraingoz, grekorako, albanierarako, turkierarako, euskararako eta gaelikorako garapenak sortu ditugu”, adierazi du Yiannis Laourisek, Zipreko Neurozientzia eta Teknologia Institutuko zuzendariak, “baina beste edozein hizkuntzatarako egokitu daiteke” erantsi du. Euskarazko aplikazioaren ardura Elhuyar Fundazioarena izan da, eta, Danel Solabarrieta Elhuyarko langileak azaldu duenez, “aplikazio hau lagungarria izan daiteke euskara ikasten ari direnentzat, erabiltzaileak nahi duenean eta oso erraz erabil dezakeelako”.

Gaiaren harira, datorren astelehenerako mintegi bat antolatu dute Moblang-eko arduradunek Donostiako Bazkudean: [Mugikor bidezko ikaskuntza, etorkizuneko hezkuntza](#). Mintegia hasteko, Isabel Celaá Eusko Jaurlaritzako Hezkuntza sailburuak eta Jose Mari Rodriguez Ibabe Elhuyar Fundazioko lehendakariak hitz egingo dute. Ondoren, mundu osoko hezkuntza-, teknologia- eta ikerketa-adituen txanda izango da.

Informazio gehiago behar izanez gero, jar zaitez gurekin harremanetan:

Rakel López · Marketin Saila · Elhuyar Fundazioa

Tel.: 943 36 30 40 · r.lopez@elhuyar.com · www.elhuyar.org